



Universitätsbibliothek Paderborn

**Illvstrivm Miracvlorvm Et Historiarvm Memorabilivm Lib.
XII**

Caesarius <Heisterbacensis>

Antverpiae, 1605

De clero qui puellam Iudaeam stuprauerat, quem cùm Iudaei accusare
vellent in ecclesia iam co[n]tritum, obmutuerunt, cap. 24

urn:nbn:de:hbz:466:1-13177

est, vitare laudem humanam. APOLLONIVS: Si noſt adhuc aliqua de cōtritione exempla, mihi vt edifferas obſecro. CAESARIVS: Cogitanti mihi de contritione, alia atque alia occurrūt exempla, in quibus Christus, totius virtutis auctor, glorificetur, & pœnitens omnis conſoletur.

CAPUT XXIII.

De cōtritionis vir-
tate.

IN ciuitate quadam Angliæ, puella quædam habuit, Iudæi cuiusdam filia, & secundum genus suum satis speciosus: hanc iuuenis quidam clericus, Episcopi eiusdem ciuitatis cognatus, & ecclesiæ maioris canonicus, vt vidi, concipiuit, & verbis amatorijs ad consensum suæ libidinis cum multo labore inclinavit. Ad cuius amplexus dum aspiraret, & nimis incendijs æstuans, eam quotidie ad commixtionem sollicitaret, respondit illa: Patri meo multum sum dilecta, qui in tantum custodit me, vt neque ego ad te, neque tu possis venire ad me, niſi in nocte sextæ feriæ, quæ Pascha vestrum præcedit; tunc enim Iudæi laborare dicuntur quadam infirmitate, quæ fluxus sanguinis dicitur, circa quam occupati, alijs tunc minùs intendere poſſunt. Iuuenis hæc audiēs, & ob amoris nimietatem penè ratione carens, oblitus Christianæ religionis, immemor Dominicæ Passionis, nocte eadem ad virginem venit, & usque ad matutinum cum illa dormiuit. Iudæus verò pater pueri ante lucem cum lumine cubiculum intrans, venit ad lectum filiæ, voleans videre quomodo iaceret, vel si fortè operiri necesse haberet, videntque ad latus eius iam dictum iuuenem cubatorem, expauit & infremuit, vtrumque occidere cogitans: cognoscens tamen quod esset cognatus Episcopi, timore illius, manum cohibuit, & cum multa ira exclamauit: Quid facis hic ô male Christianæ? ubi est fides tua? ubi est religio tua? Traditus es iusto Dei iudicio in manus meas, si non timerem Dominum meum Episcopum, modò occiderem te. Ille timens, & veniam postulans, cum maxima confusione electus est. Die eadem, cum Episcopus solenne officium ad nonam effet celebraturus, iuuenis idem, ut poterit

pote hebdomadarius, epistolam lectorus timuit cum tam immunda conscientia ad sacrum ministerium accedere, & timuit propter notam alteri vicem die tali committere, timuit tam turpe peccatum tam recenter per confessionē alicui aperire: & cū victus erubescētia sacris vestibus indutus corā Episcopo staret in loco suo, supradictus Iudeus, multitudine Iudeorū stipatus, cum magno strepitu intrauit ecclesiam, Episcopo de cognato suo facere volens querimoniam. Quem vt iuuenis vidit, & bene intelligeret ad quid venisset, cœpit timere, pallere, tremere, & dicere: Domine Deus libera me in hac hora, & ego tibi promitto, quod de cætero te non offendam, imò de hoc peccato tibi satisfaciam. Creator piissimus, qui odit culpam, & diligit naturam, mox vt hominem contritum, vidit, confusionem, quam timuit, in caput infidelium conuertit. Mirante Episcopo quid quærerent Iudei in ecclesia, maximè tali die, quando Christiani representant Domini sui passionem, annuit vt starent; illis amplius se eius præsentiae ingerentibus, statim vt ora ad clerici accusationem aperuerunt, priuati suis vocibus, omnes obmutuerunt. Videns Episcopus ora Iudæorum contra se hiantia, & nulla verba ex eis resonantia, putas quia ad hoc venissent, vt diuinis mysterijs illudenter, cum indignatione omnes de atrio Ecclesiæ expelli p̄ceperit. Clericus vero diuinam in se expertus clementiam, statim completo officio, accessit ad Pontificem, confessus est culpam, suscepit pœnitentiam: Episcopus Dei misericordiam admirans & glorificans, tum pro magnitudine miraculi, tum pro pœnitentia cognati, eidem suasit ac persuasit, vt pueram à se defloratam, per baptismi gratiam renouatā, legitimè duceret, malens illum, sicut vir pius & iustus, ecclesiasticis carere beneficijs, quām illam multis expositam periculis in paternis manere delictis. Clericus non ingratus diuinis beneficijs, satisfacere cupiēs. Deo pro peccato commisso, conuersus est postea in ordine nostro, similiter & eius instinctu puella. Hæc mihi s̄p̄ius recitauit quidam religiosus Abbas ordinis

dinis nostri. Ecce vides, quantum boni operata sit in
hoc homine contritio, lapsum erexit, Iudaeos elinguens
fecit, puellam infidelem ad fidem prouexit. APOLLON.
Bene video, admiror, & gaudeo, Deique bonitatem
circa nos in multis considero. CÆSARIVS: Quia sermo
est de Iudeis, vis adhuc aliam audire historiam, huic
ex parte similem, ad honorem fidei nostræ atque Chri-
stianorum, cōfusionemque Iudeorum. APOLLONIVS:
Anima mea sicut talia audire.

CAPUT. XXV.

CÆSARIVS.

*De Iudeis hi-
storia
alia.*

IN ciuitate, ut opinor, Wormatia, Iudeus quidam
manebat, filiam habens formosam: hanc iuuenis
quidam clericus, in vicinio habitans, adamauit,
deuirginavit, & impregnauit: erant enim domus illo-
rum satis contiguæ, & poterat idem clericus, sine nota,
frequenter intrare, & pro libitu loqui cum virgi-
ne. Illa intelligens se concepisse, dixit iuueni, cōcepi,
quid faciam? si cognoverit pater meus, interficiet me.
Respondit clericus: Noli timere, bene liberabo te: si
dixerit tibi pater tuus, vel mater, quid est filia, venter
tuus intumescit, videris nobis concepisse, respōdebis:
Si concepi, nescio, hoc scio quia virgo sum, & nō dum
virum cognoui; ego bene agam cum illis ut credāt ti-
bi. Ille diligentissimè cogitas qualiter liberaret puel-
lam, huiusmodi trupham inuenit. Tollens arundinē,
in silentio noctis, ad fenestrā cameræ, iuxta quam
illos dormire nouerat, accessit, & verba huiuscmodi
per immissam fistulam sibilauit; O iusti & Deo dilecti,
proprijs nominibus eos exprimens, gaudete, ecce filia
vestra virgo concepit filium, & ipse erit liberator po-
puli vestri Israël: statimque paululum retraxit arun-
dinē. Ad hanc vocem Iudeus exergefactus, excitauit
vxore suā, dicens ei: Nunquid non audisti, quid nobis
locuta sit vox cœlica? Respondit mulier: Non. Et ille:
Oremus, ut & tu audire merearis. Orantibus eis, cle-
ricus ad fenestrā stans, & diligenter quid loqueren-
tur auscultans, post morulam, eadem verba, quæ su-
præ, repetiuit atq; adjecit: Magnū debetis filiæ vestræ
honorem